

# TE VEA NO TAHITI,

taata (un), e ere te Ta-  
vava e te haava, o tei hi-  
muro i te hoe hohoa o tei-  
enevea, au fau mai ia e  
te faane no na avae e toru.

Parau mai ia Tepito te ne-  
no parau i Papeete.

Ei haaparare raa i te parau rii api e faufaa hia i to  
e ma enua i roto i te Hau Tamaru; e nei i te mau mahana maha toa

O te feia hoo tana, u te mau  
taata e haapao i te tau  
raa tana, e tia ia ia nenei  
atoa hia ta ratou mau pa-  
rau faaite i roto i te o-  
Tea, ia au fau mai ratou  
i farane no te reni hoo.

Faaau mai ia Tepito te ne-  
nei parau.

## FARE TOROA A TE PAPAI PARAU O TE TIRIPUNA.

Haava raa o tei faahapa i te titau raa a Miti  
Lucett raa o Miti Colie, i nia ia Miti Wilson, e  
ia Vairaatoa; ta rana i titau mai e ia faaore hia  
te hoo raa i te pahi tira piti ra o «Diana.»

Ua faautua ia rana i te utua e pae ahuru Fa-  
rane, e i te utua toa hoi o taua haava raa ra.

Ua faautua toa hoi ia rana, o rana i tapea tia  
ore noa i taua pahi tira piti ra o «Diana,» e au-  
fau atu na Vairaatoa, te fatu mau o tana pahi  
ra, i na Farane e 800, no tona ino raa e te fau-  
fau.

Te papai parau o te Tiripuna.

Papahia i: DUPOND.

Ua hio e te Peretitene.

Papahia i: DECOOLS.

## FAATIA RAA HIA O TAHITI.

Ua nenei hia i roto i te Niu pepa no Honolulu  
ra o New-Era, tehoe rata i papai hia e te feia  
mailatai no Tahiti nei, ei faa'apa raa i te mau  
parau huru e, e te haavare a Miti Wakemanni,  
te Raatira o te pahi auahi marite ra o New-Or-  
leans, i tona faaino raa ia Tahiti nei e te hau atoa  
hoi o teienei fenua. Ua nenei hia hoi tana parau,  
mai te rata ra te huru, i roto i te niu pepa vaihi  
ra o Polynesian.

Ua ite e na hoi matou i taua parau haavare  
nana ra, aita ra hoi i faahapa vave hia, no te  
mea, te riro ra ei parau vahavaha roa i to ma-  
tou nei hio raa; te manao hia nei hoi e, ia hio  
noa aena te taata i te huru mau o to tatou nei  
fenua, i tona tere maite raa i muā, e mahere ia  
i te itea papu roa hia te haavare o taua parau  
nana ra. Te hinaaro nei hoi te hau i te faatia ia-  
na i to na roto i tana mau ohipa anae ra. E ere  
hoi tona te aho mure noa, e te itea papu hia nei  
e, a faahapa tia ore noa hia mai ai oia, a faaino  
pou noa hia mai ai, e riro anae a ia ei faateitei  
raa i tona roo maitai i rotopu i teienei mau  
moana.

Area ra te feia hoo laoa, no te mea e, o to  
ratou ra mau faufaa te ino no roto i taua parau  
faaino ra, aita tura ratou i mamu noa, ua papai  
ra i tehoe rata maramarama maitai, o tei nenei  
hia i roto i te mau niu-pepa i Vaihi. E parau  
maru anae hoi ta ratou, e mea tano maitai roa  
ra te mau mea toa i faahiti hia i reira. I teienei  
ra, te faaite hia tu nei labi pae o taua parau na  
ratou ra. «Te parau ra hoi te feia i papai i taua  
rata ra e o mau parau haavare, mai te mea

e, o te maitai no te hoo e te faatere haerea o te  
pahi tei faaino hia ra, te riro ra ia ei hara ino  
roa; e mai te reira hoi te huru o ta te mau Ture,  
Bretane e te Marite hio raa tu i te feia e imi  
hiere i te ravea ei faairi e ei haapau haere i te  
pahi; e tia roa hoi te mau parau haavare i faaite  
hia nei, ia faaau hia i nia i tei reira. E ere anei  
te mea tia ia riro a Tahiti nei ei vahi tutau raa, e  
ei hoo raa maa na te mau pahi? E taea tu anei  
o Honolulu e te mau pahi atoa i hinaaro i te  
maa, te pape, e ia tatai hia hoi? E ia itea hoi e,  
o Tahiti te haapu raa fatata no taua pahi i roo-  
hia i te hepohepo ra, te riro ra anei tei reira ei  
ohipa maitai, oia hoi te haavare raa tu i te mau  
fatu, te Raatira e te eao i nia i te mau pahi, ia  
ore hoi taua pahi i fatata i te tomo e tei pohe hoi  
i te oe ra, ia titau mai i teienei haapu raa mai-  
tai?

I rotopu hoi, i to Vaihi, e to Tahiti nei, aita  
roa tu ia e feia raa, aita roa tu hoi tatou i hinaaro,  
noa e i te faatupu i te faatitiaua raa. O Vaihi  
hoi te vahi e fatata i te moana patia raa  
tohora; te ea e tarava tia na ropu i Tarifonia e  
Kina ra, tei roto ia i teienei moana; eaha ihora  
hoi i tamata hiai e e faaere ia tatou i te maa fau-  
faa iti i tuu hia mai e te Atua : to tatou nei ava  
maitai; e ava maitai ei tito raa pape, ei faautua  
raa hoi i te maa rii hoo mama roa? Eaha i faa-  
hapa hiai te mau maitai i roa mai ia tatou nei;  
te tamaru raa hia mai e tehoe hau tiama, te  
puai, te haimani maitai, e te titau i te peapea  
ore? e eaha toa hoi i tamatai i te haamatahehe  
i te mau taata o teienei fenua, te ite maitai  
mai, e te tauturu pinepine mai? Eita roa to Vai-  
hi e faufaa noa hiae i tei reira ravea, te faahapa  
roa hia ra hoi ia e te parau mau e te haapao raa  
tia.

O te haava ra o Metuaaro, o tei faaore hia hoi  
te haava raa hia matamua ra, no te mea e, na  
tehoe Tiripuna tia ore tei reira ohipa i rave, ua  
hora mai ia i mua i te aro o te Tiripuna i Pa-  
peete nei; ua haava hia oia i reira ma te au i te  
Ture, e ua faautua hia, tera tana utua, e ono  
avae i te tapea raa hia.

Ua faatia hia tu te hinaaro o Metuaaro, e ei  
Taravao oia tapea hiai.

Te faaite hia nei ra i teienei, te haamaru raa  
tia ore, e aore ra hoi, te maua mau i nia i te  
Ture, a taua feia i faatupu i te haava raa mata-  
mua ra, o tei faautua ia Metuaaro, e ia hoe abu-  
ru ma pae noaiho mahana i te rave raa i te ohipa  
a te hau. Area ra hoi te Irava 7 o te Ture  
XIX, te au maitai roa ra ia i nia i taua vahi e

ima hia nei; ua haapao papu hoi te haava ra  
Papa i tei reira, ma te maramarama e te paari  
natau maite iana.

Ua roaa mai nei te *Pirau patia* i na nia hia  
mai i te manua Farani ra ia *Moselle*; faane hia  
tura te Taote e e tamata oioi i taua *Pirau* ra, e  
te manao hia nei i teienei e, e mahere i te ma-  
nuia roa hia.

Te i mai nei te ava i te pahi maoa tohoro, e te  
arearea faahou nei to ratou nei oire, o tei huru  
moemoe roa i na mahata i mua tu. Te tere hae-  
re nei te taata, te puua, e te pērecoo atoa hoi i te  
faatere haerea i te mau pahii haapao hia ei faauta  
tia tu i Marite e i Europa, i te hinu i roaa haere  
i te mau pahi *patia* ia. Te huri tia nei hoi i uta i  
te hinu a te mau pahi i linaaro e ia tatai hia, e  
o tei haapao hia e, e faatere faahou a i te vahi  
maoa raa ia i roto i te moana eteafa. Te faate  
tuutuu ore hia tu nei ra te mau Tavana e te hui  
Raaitira e, tei roto i to ratou ra rima te ravea e  
teitei ai te roo o Tahiti nei, na roto i te afai hae-  
rea mai i te maa rii, ei amu raa na to taua mau  
pahi ra, o te ore hoi e roaa haere i roto i te  
mau fare hoo raa toa.

Te ite hia nei hoi na roto i te mau parau i mua  
nei, e te feii maira tahi pae fenua i te roo maitai  
e te ruperupe raa o Tahiti nei. Te ite ra hoi ra-  
tōu e, te faito atoa nei to Tahiti teitei i to ra-  
tōu, e no reira ratou i patoi uana mai ai iana,  
ma to ratou atoa ra puai; e aita toa hoi ratou i  
haameremere noae i te faahiti raa i te parau  
haavare; ia ore atu a te pahi ia tapae mai ionei.  
E riro ra ia ratou atoa ra ei mau ravea faufaa  
ore, e e vai maite a te hau o Tahiti nei i niaiho  
i teienei moana, mai te mea e, o faaitoito rii  
noae to Tahiti, i te faariro raa ia ratou iho ei  
mau tamarii au maitai no teienei fenua maitai;  
Eiaha ra outou ia varea noa na i te taoto; ia rahi  
ra te hinaaro i te maitai raa o to outou nei fenua,  
e ia tauturu maite hoi i teienei hau i tana toa e  
rave nei, eo tei haapao hia no te ruperupe raa  
o Tahiti nei. O to outou iho ra maitai teie e tia-  
oro pinepine atu nei e; a hopoi mai, a hopoi mai  
i te maa i roto i te matete nei; ia rahi mai ā!

#### PARAU FAAITE.

E hapono mai te mau haava i te ioa o te feia  
i faautua hia i roto i to ratou ra mau matacinaa  
i te avae o Dilema nei, e e faaineine maitai iho  
te mau Tavana i te tino mai ia ratou i Papeete  
nei, ia faaue hia tura.

Mai te mea, te Umara e te ufi hia ra ia ve-  
tahi mau matacinaa i roto i ta ratou ra mau aua  
hau, e faaite oioi mai ia e tia; no te mea, te ra-  
hi nei te patia ia, e te hinaaro paatoa ra hoi ra-  
tōu i taua na maa ra. E faaitoito atoa tu te mau  
Tavana i te Taata o to ratou ra mau matacinaa,  
e e uta pinepine mai i te maa i Papeete nei, ia  
rahi.

MAHOTI RAA I TE TAPULA I NENEI HIA I TE «VEA»  
NO NA TAPETI I MAIRI AENEI.

NO TE MONI I ROAA NO ROTO I TE MAU AUA HAU.

Itea tura hoi te faufaa rahi roa o teienei mau aua hau, e te  
rahi raa o te moni e roa a ohie noa mai, no roto i te maa ohipa  
iti hiahia roa, eita e hope rea na Tapatia e torn. Te ite papu  
atoa hia nei ra e, te huru faane faue nei tahi pae matacinaa i  
ta ratou mau aua hau, ia pau hoi te maa i te heru hia ra, ua  
vaifo noa hia tura, ia tupua noa hia na e te aihere e te Tuava,  
a hio na ra i na matacinaa ra ia Punaania, Paea, Papara, e o  
Papenoo hoi, o tei hau roa, e e mahere ratou i te ite e, ua hau e  
roa te moni a tei reira mau matacinaa i ta ratou. Te faahapa  
uana roa hia nei te mau Tavana matacinaa, o tei manao, e a fa-  
hi aera paari raa o te umara i roto i ta ratou aua hau i te mata-  
hiti hoe ra, o tei pau ra hoi te rahi i te pe e i te cia hia, na hope  
roa ia ta ratou ohipa i reira. Ia faatere hia tu hoi te mau pahi  
rii o te hau e tii haere i te maa i roto i te mau matacinaa ra, te  
manao ra ia te taata toa e, e tia noa ia ratou ia rave haere noa i  
taua maa ra, ta tetahi, hoe haapee, ta tetahi hoi, e piti ia haa-  
pee, eaha tura ra te hopea o tei reira ra haapao raa? Teie ia.  
O te moni mau e roaa mai no roto i taua aua hau ra, ahiri i hoo  
maitai hia te maa ra, e 600 ia farane, area ra i teienei ia pau i  
te haru haere noa hia e te taata e 200 nea iho ia farane e roaa  
mai. E ore roa te hau e faa herere faahou i te taata e na reira.

O tahi pae ra hoi, te parau ra ia e, ua ino te fenua i to ratou  
matacinaa, eita e io hia te maa ia tannu! Ia na reira ra hoi e pee  
ia ratou i te haapao raa a tahi pae Tavana matacinaa, o te ore  
e tia mai i te faaue raa a te Auvaha o te Emepera, na ratou iho  
ra e vaere noa, e e tannu i te aua maa api, i nia i te fenua repo  
maitai.

Mai te mea hoi e, no te hio raa i te huru o te purumu i roto i  
te matacinaa, te nehenhe raa e te ino raa, e itea toa hiai te hu-  
ru o te Tavana o te matacinaa, te paruparu raa, e te  
itoito raa. Oia toa hoi te mau aua hau, mai te mea hoi e, ia ra-  
ve ino hia e ia faane faue hia te aua hau ra, te ite papu h a  
ra ia e, e taata paru paru roa te Tavana, o tei reira matacinaa,  
e te au ore ia tuu hia tu nana, te mau faufaa toa e tui hia mai  
e te Ture.

Tei muri e roa to Moorea, aita roa tu i faito noae i Tahiti nei:  
aore roa tu hoi tetahi matacinaa iti ae i tuu vai i te moni no  
roto i te aua hau. I teinei ra, e faaite oioi mai te mau Tavana no  
Moorea, i te rahi raa o te Moni i roaa mai no roto i ta ratou mau  
aua hau.

#### Haava raa i te mahana 21 no Dilema 1853.

1<sup>o</sup> Haava raa o tei faautua i te papaa ra ia  
John Smith, taata hoo uaina i Papeete, i te utua hoe  
ahuru ma ono farane, i te utua na te hau, e pae  
ehuru farane, e i te mau tarahu atoa hoi no taua  
haava raa ra, o oia i faano atu e i faatiaia tu i  
te tomitera mutoi, a rave ai oia i te ohipa e au i  
tona ra toroa.

2<sup>o</sup> Haava raa o tei faautua ia miti Manceau,  
taata farani e tia i Papeete nei, i te utua e pae  
ahuru farane, e i te tarahu atoa hoi o te haava  
raa, o oia i rave haere noa i te ohipa parai peni  
e aore ā i roaa mai iana te parau faatia na te  
hau.

Ua faaue e ia nenei hia teie nei tau haava raa  
i roto i na VEA no Tahiti nei.

Te papai parau o te haava raa,

Papaiahia : V. DUPOND.

Te peretiteni,

Papaiahia : LEBRIGANT.

#### Te mau pahi i tapae mai, mai te mahana 21 mai a no dilema.

Patia ia marite o S. H. Waterman, tapena Hall, mai Oahu mai.

Patia ia marite o Olympia, tapena Russel, mai Oahu mai.

Patia ia marite o Sea, tapena Soule, mai Oahu mai.

Tira toru marite o Strabo, tapena Cutter, mai Boston mai (Ma-  
rite).

Patia ia marite o Cleone, tapena Sherman, mai Huahine mai.

Patia ia marite o Benjamin Tucker, tapena Sands, mai Oahu  
mai.

Tira piti farani e Faruru, tapena Hallikins, mai Aratua mai.

Tira piti farani o Tairapu, tapena Tetoho, mai Ana mai.

Patia ia marite o George V Washington, tapena Edwards, mai  
Oahu mai.

#### Na pahi i reva.

Manua farani o Tanemanu, tapena Mabire, ua reva i Niu-Kale-  
donia.

Te ee no te Tavana : BRIOT.